



BOSNIA AND HERZEGOVINA
Ministry for Human Rights and Refugees

Na osnovu člana 61. stav (2) Zakona o upravi ("Službeni glasnik BiH", br. 32/02, 102/09 i 72/17), te člana 2. i člana 6. alineja 1. Instrukcije o postupku zaključivanja ugovora o djelu broj: 01-02-2-1969-1/20 od 12. 10. 2020. godine, Ministarstvo za ljudska prava i izbjeglice Bosne i Hercegovine, o b j a v l j u j e

JAVNI POZIV

za prikupljanje prijava za angažman asistenata za pomoć pri uključenju u bosansko-hercegovačko društvo izbjeglica i lica kojima je priznat status supsidijarne zaštite u Bosni i Hercegovini

Naručilac posla, Ministarstvo za ljudska prava i izbjeglice Bosne i Hercegovine (u daljem tekstu: Ministarstvo) poziva zainteresovane osobe, koje ispunjavaju uslove iz ovog poziva, na podnošenje prijava radi zaključivanja ugovora o djelu za rad na poslovima asistencije uključenja u bh. društvo stranaca sa priznatim izbjegličkim statusom i statusom supsidijarne zaštite u Bosni i Hercegovini.

Ugovori se zaključuju na period od 1. 3. 2022. do 31. 12. 2022. godine (mogućnost obnavljanja ugovora), sa mjestom rada u sjedištu Ministarstva.

Potencijalni kandidati ne mogu biti državni službenici, zaposlenici, niti angažovani kao vanjski saradnici ili eksperti na drugim projektima.

Javni poziv se raspisuje za sljedeću poziciju:

1. Asistent za pomoć pri uključenju u bosansko-hercegovačko društvo izbjeglica i lica kojima je priznat status supsidijarne zaštite u Bosni i Hercegovini (3 izvršioca)

Opis poslova i radnih zadataka:

- Izvršavanje poslova pružanja pomoći izbjeglicama i licima sa priznatim statusom supsidijarne zaštite u procesu ostvarivanja prava na obrazovanje, zdravstvenu i socijalnu zaštitu, pravo na rad, kao i drugih prava u skladu sa Zakonom o azilu Bosne i Hercegovine i podzakonskim aktima Ministarstva,
- Preduzimanje odgovarajućih mjera sa ciljem provođenja i izvršenja zakona, drugih propisa i općih akata u vezi sa osiguranjem pristupa pravima izbjeglica i stranaca kojima je priznata supsidijarna zaštita u Bosni i Hercegovini,
- Obavljanje poslova obrade, klasifikacije i sistematizacije svih pisanih zahtjeva/molbi u vezi sa rješavanjem pitanja ostvarivanja prava izbjeglica i osoba kojima je priznata supsidijarna zaštita u Bosni i Hercegovini,
- Redovan terenski rad, komunikacija i direktan kontakt i posjete izbjeglicama i licima kojima je priznata supsidijarna zaštita u Bosni i Hercegovini radi pružanja informacija, procjene potreba, i po potrebi intervencije pred relevantnim institucijama i organizacijama,
- Koordinacija rada sa drugim nadležnim vladinim i nevladinim institucijama i organizacijama, kao i sa međunarodnim organizacijama koje su angažovane na pitanjima integracije izbjeglica i lica kojima je priznata supsidijarna zaštita u Bosni i Hercegovini,
- Ažuriranje podataka o individualnim slučajevima, te obavljanje analitičkih poslova, pripremanje i izrada izvještaja, informacija i publikacija,
- Obavljanje i drugih poslova po nalogu projekt menadžera.

Uslovi za apliciranje i potrebni dokumenti:

- Završen fakultet (diploma VII stepena ili ekvivalent bolonjskog sistema studiranja vrednovan sa minimalno 180 ECTS bodova),
- Državljanstvo Bosne i Hercegovine (uvjerenje o državljanstvu, ne starije od 6 mjeseci od dana izdavanja od strane nadležnog organa),
- Najmanje 6 mjeseci radnog iskustva nakon stečenog nivoa stručnog zvanja (potvrda/uvjerenje izdato od strane poslodavca ili nadležnog Zavoda za zapošljavanje),
- Poznavanje rada na računaru (potvrda/uvjerenje),
- Tečno poznavanje engleskog jezika u govoru i pismu (potvrda/uvjerenje; traženi nivo poznavanja engleskog jezika bit će provjeren u okviru intervjua sa kandidatima),
- Aktivno vozačko iskustvo (vozačka dozvola B kategorije).

Izabrani kandidati zaključuju Ugovor o djelu sa Ministarstvom za ljudska prava i izbjeglice Bosne i Hercegovine.

Naknade za izvršioce posla finansiraju se iz sredstava UNHCR-a koja su osigurana kroz projekat "Podrška upravljanju mehanizmom integracije u BiH, funkcionisanju IPC „Salakovac“ i provedbi Aneks VII".

Prijave sa biografijom i dokumentima (ovjerene kopije) kojima se dokazuje ispunjavanje uslova iz javnog poziva dostavljaju se putem preporučene pošte ili lično na adresu:

Ministarstvo za ljudska prava i izbjeglice Bosne i Hercegovine

Trg BiH br. 1

71000 Sarajevo

Sa naznakom: **"Za javni poziv za prikupljanje prijava za angažman asistenata za pomoć pri uključenju u bosansko-hercegovačko društvo izbjeglica i lica kojima je priznat status supsidijarne zaštite u Bosni i Hercegovini – NE OTVARAJ"**.

Prijave se dostavljaju u roku od 8 dana od dana objavljivanja javnog poziva na službenoj internet stranici Ministarstva, www.mhrr.gov.ba.

Broj: 01-41-3-2554-5/21

Sarajevo, 10. 2. 2022. godine

